

الدنيا ياما فيها

الدنيا ياما فيها وفيها كثير
فيها فدادين عنب
جناين طرحه الخير
وفيها خلق مش لاقيين ولا عايشين
يلموا السبل من ع الأرض
يلاقوا الأرض سبع طواحين
وفيها سنابل محملة
شوالات متخزنة ومليا الدكاكين
وفيها فلوس مرصوفة
م العد مش لاحقين
الدنيا اتشقلبت واتغيرت حالها
نَعش الفقير م حدش ب يشيل فيه

حتي الكلمة مستخسرنها
ونعش الغني ب يتسابقوا عليه
ولاد الأيه
آه منها ومن حيلها
يجوا الحياة بالدور
واللي عليه الدور ويسلم نمر
برضوا يلاقوا طابور
فيها حمام سارحه
مروحه ورايحه
دغري ب تحط ع برج الغير
اللي مليون خير
واللي عنده جوز حمام
ب يسبوه ويطير
الدنيا جاييه لورا
فيها العزيز مسكين

حاطه عليه وقدرا
ومشيلاه الطين
فيها الغني المبسوط أكلته طريه
وهدمته مكوية
ملفوف في توب حرير
وفيها الفقير الخيش لقمته نشفه
وقلته فاضيه
ونائم ضهره معلم م الحصير
فيها الشديد القوي
وفيها الضعيف غلبان
وفيها الطيب الجذع
واللي عنده ضمير إنسان
وفيها ابن الحلال
وابن اللي مالوش آمان
فيها القرايب عقارب

ب تلف لورا
ومعيشتنا ف الأوهام
فيها الحبايب تفارق
وتنسي وتجيب اللي فات ادم
فيها الصحاب ب تخون
وفيها دفاتر بيضه ب تنقرا
وفيها ع كل لون
وفيها ناس منورا
ف القلب دغري تخش وتسكن فيه
متنورين ب العلم وحتة سكر
وفيها ناس السيره سبقاهم
الكلمة فعل وصحبتهم حلوة معطرا
وناس وناس ريحتهم وحشه ومزفرا
الدنيا دي كبيرة حريفه ولا عيبة
واحنا فيها صغيرين

يادوب نبص ونتفرج شوية مشجعين
كثير بتقسي علينا وتهد فينا
وان جات تحلي وتراضي فينا
نلاقي روحنا متشتتين
فيها العقارب كبيرة
وفيها تروس ب تلف ع الشقائين
وفيها كباين مارينا
وشواطيء المغرمين
وفيها صبايا حزينه
من الهم ما بتنام ووجع السنين
دا الطيب ف الزمن دا مدهوس بين الناس
متهان الكرامة وب المداس ينداس
فيها كثير م العبر والدرس مش ب بلاش
الدنيا عايزه المصحح
ياخد يا دوب حقه من ابن اللأيمة النتاش

وفيهـا الخلاق تعافر لجل لقمة عيش
وفيهـا الحيارى رعم الغنى
السكارى اولاد قرىش